

痛餘雜錄
星變志
江變紀略

逐鹿記
汰存錄

國初禮賢錄
武宗外紀



逐

鹿

記

撰人不詳

中華書局

叢書集成初編

痛餘雜錄（及其他六種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

逐鹿記

此 據 稗 乘 本 影 印
初 編 各 叢 書 僅 有
此 本

逐鹿記

甲辰徐達總甲士二十萬東取吳越鏖戰于湖州
皂林之野生禽張兵六萬十一月師至姑蘇管
于葑門築長圍困之架木塔與城中浮屠等築
臺三成名曰敵樓下瞰城中設火筒其上一發
連中又設襄陽礮着物無不糜碎礮風着人皆
走城中震恐明年九月城破僞周就縛

耿再成下處州時有軍校斬人丘木卽捕誅之又
有士卒徵私粟于民號曰砦糧成怒其剥民脂

膏罷之

薛顯與士誠五太子及朱暹戰于舊館降之五太子士誠養子短小精悍能平地躍起丈餘又善沒水自稱龍精暹亦善戰士誠倚之及降士誠爲之屏氣

張王城破時縱宮人數百于民間開庫藏令其自取有數人務多因得促腰擡臂之疾一嫁皮工曹某名阿圓自言見庫中金匱可重二百餘斤極力一舉不覺臂脫其骨又出綵帛十三庫散之城申父老又取珍衣二十餘種出于卧龍街

將焚之正舉火我軍已入小校單發拾其二種
一爲綠鸞摩雲一爲春花競秀一時銀帛狼藉

于道

你連下令封府庫禁士卒

王師入武昌友諒愛妃樂氏投臺苑內人卽取其
屍埋臺下軍校毀臺忽聞太息聲掘地見尸卽
妃也一校脫其金鴻戲藻衫去或曰千兵胡德
又裨將陸純夫私其宮娥奪臂上玉盤螭張景
山入僞宮取出金照珠玉鎮獅等物後皆按以
法

廖永忠伐蜀兵至瞿塘關忠以山峻水急而蜀人

設鐵索飛橋橫據關口我舟不得進乃密遣壯士數百人舁小舟踰山度關以出其上流人持糗糧帶水筒以禦饑渴蜀山多草木命將士皆衣青簑衣魚貫出崖石間蜀人不之覺也遂攻水寨斬獲甚衆飛天張鐵頭張皆遁去

元宮人至京師將籍之以給令後宮有一人不屈上言爾卽守節何不殉于元亡時此女對曰願明一言而死以爲有名鬼耳上令左右以紙筆與之女寫云君王慧性被奸迷妾曾三諫觸關墀不能死守身先遁致令鍾移社稷墟擲筆投

地而死 上爲之改容

楊文南征帝製詩賜之曰大將南征膽氣豪腰懸
秋水呂虔刀馬鳴甲冑乾坤靜風動旌旗日月
高世上麒麟終有種穴中螻蟻更何逃大標銅
柱歸來日庭院春深慶百勞

李文忠北征患渴忽所乘馬以足跑地泉隨湧出
三軍賴之乃爲文殺牲以祭

黔寧王沐英征八百息婦經腰露頂山山頂有石
壇父老相傳云古有赤羽僊成道于此道成之
日精華少室夫人帥僊官降壇設金觴果木陵

子食之餘藏于櫃今壇東石匱是也英極力舉之匱忽開內有朱字四行云翁臺方龕神驚鬼驚啟食其力海東木英益異之遍視匱中止有木陵子三枚似棗核而青色英吞之自覺身輕力盛及平八百息婦就于山上刻石紀功而還又征緬思得金絲羅碧珊瑚等物

李文忠兵至錢塘僞周平章潘原明遣真外郎方彝請軍門納款狀曰嬰城固守乃受任之當爲歸款救民亦濟時之急務竊伏自念起身草野叨位省樞非心慕乎華榮乃志存乎康定豈意

邦國殄瘁王師見加事雖貴于見幾民實同于
歸義念是邦生靈百餘萬比年物故十二三今
既入于職方欲溥覃于天澤謹將杭州土地人
及諸司軍馬錢糧之數以獻并執叛將蔣英劉
震出降凡得兵三萬糧二十一萬馬六百疋

逐鹿記終